




ԶԱՏԿԱԿԱՆ ՏՈՆԱԿԱՏԱՐՈՒԹՅՈՒՆՆԵՐ ԲՈՒՂԱՐԱՀԱՅ ԹԵՄՈՒՄ

Սույն թվականի մարտի 27-ին, Ծաղկապար-
դի տոնի առթիվ, Սոֆիայի հայոց Ս. Աստ-
վածածին եկեղեցում հանդիսավոր պատա-
րագ է մատուցել և քարոզել Ռումինիայի և
Բուլղարիայի հայոց թեմի առաջնորդ Ս. Տի-
րայր արքեպիսկոպոս Մարտիրոսյանը, հավա-
տացյալ ժողովրդի հոծ բազմության ներկայու-
թյամբ: Հընթացս ս. պատարագի ընթերցվել
է Ամենայն Հայոց Վեհափառ Հայրապետի
սրբատառ կոնդակը, որով Հայոց Հայրապե-
տը տեղի եկեղեցու Ս. Գարեգին քահանային
պարգևատրում էր ավագության պատվով:
Առաջնորդ սրբապանը, տեղ հորը հանձնելով
հայրապետական կոնդակը, սրտագին շնոր-
հավորանքներ է ուղղել նրան՝ մաղթելով
անձնվեր ծառայության արդյունաշատ երկար
տարիներ ի փառս Հայաստանյայց եկեղեցու:

Հավարտ ս. պատարագի թեմական խոր-
հուրդը, ի պատիվ սրբապան հոր, քաղաքի
«Բալկան» հյուրանոցում տվել է ճաշկերույթ:

Ապրիլի 3-ին, Քրիստոսի հրաշափառ Հա-
րության տոնի առթիվ, Ս. Տիրայր արքեպիս-
կոպոսը պատարագել և քարոզել է Պլովդիվ
հայաջատ քաղաքի Ս. Գևորգ եկեղեցում:
Այստեղ նույնպես հավաքվել է հավատացյալ-
ների խումբերամ մի բազմություն՝ հաղորդ-
վելու զատկական հոգեպարար արարողու-
թյանց: Համաժողովրդական մեծ տոնի առ-
թիվ պատարագիչ սրբապանն արտասանել է

ոգեշունչ մի քարոզ՝ վեր հանելով Փրկչի Հա-
րության մեծ խորհուրդն ու նշանակությունը:
Այնուհետև ընթերցվել են Ամենայն Հայոց
Հայրապետի զույգ կոնդակները Պլովդիվի
հայոց եկեղեցու քառաձայն երգչախմբի կազ-
մության հիսնամյակի և կանանց երգչախմբի
կազմության երեսնամյակի առթիվ:

Սույն օրը, երեկոյան, եկեղեցուն կից մշա-
կութային տան սրահում տեղի է ունեցել հան-
դիպում և սիրո ճաշ երգչախմբի անդամների
և Պլովդիվի հայկական համայնքի ծանոթ
ազգայինների միջև՝ գլխավորությամբ առաջ-
նորդ սրբապան հոր: Խանդավառ մթնոլոր-
տում Ս. Տիրայր արքեպիսկոպոսը շնորհա-
վորանքի ջերմ խոսքեր է ուղղել երգչախմբի
անդամներին և բազմավաստակ խմբավար
Սարգիս Պալթայանին՝ տալով նրանց իր օրի-
նությունները և մաղթելով, որ նրանք հայ
հոգևոր երաժշտությունը միշտ անաղարտ և
բարձր հնչեցնեն մեր աղոթքի Տներից ներս:

Ապրիլի 6—7 օրերին Ռումինիայի և Բուլ-
ղարիայի հայոց թեմերի առաջնորդը թեմա-
կան այցելությամբ եղել է նաև Բուրգաս քա-
ղաքում, ապա ապրիլի 9—12 օրերին՝ Հյու-
սիսային Բուլղարիայի սահմանամերձ Ռուսե
քաղաքում, որտեղ ապրում են շուրջ 1500
հայեր:

Սրբապան հայրը վերոհիշյալ քաղաքներում
հանդիպումներ է ունեցել եկեղեցական վար-



Առաջնորդ Ս. Տիրայր արքեպ. Մարտիկյանը՝ Պլովդիվի հայոց կանանց եկեղեցական ելգչախմբի հետ



Առաջնորդ Ս. Տիրայր արքեպ. Մարտիկյանը ավագության պատվի արժանացած Ս. Գարեգին քահանայի և Պյոլիկի հայոց եկեղեցական վարչության անդամների հետ

չությանց անդամների հետ և զրուցել եկեղեցական մի շարք հարցերի շուրջ: Սուրբ Հարության տոնին հաջորդող Նոր կիրակիին նա Ռուսե քաղաքի հայոց եկեղեցում ներկա է եղել սուրբ պատարագին և հավաքված բա-

զում հավատացյալներին մխիթարել է Բանին կենաց քարոզությամբ:

Ապրիլի 12-ին Ս. Տիրայր արքեպիսկոպոս Մարտիկյանը վերադարձել է իր աթոռանիստը՝ Բուխարեստ:

